
 SU MONTAGNINU

Sa vrina 'e Gennargentu,
 su rude montanaru
 resu l'hat immortale A PARRER NEU.

Diversu cumprimentu
 pro sensu e versu raru,
 l'hat fattu Apollo chi vit unu Deu.
 Desulo chin Tonara
 presentana sa cara
 fieras chin Casula chin Mereu.
 Sas Musas azudare
 los han chertos, chin s'estru pro cantare.

Favoridu sa Musa
 l'hat in cada canzone,
 ma de prus chin "Sa Tia de vilare" !
 Chi attonita e confusa
 restat una pessone
 a su bisonzu vorte in su pessare.
 Differente sa lana de
 de cussa vilonzana
 depen in terra anzena pettenare,
 lassande vizicheddos
 rujos, zallos, biancos e nieddos.

Prite sa povertade
 naschit chene colore:
 hat de sa rughe 'e Cristos assimizzu !
 Sa sorre chin su vrade,
 sa pena, su dolore
 che a Maria c'hat prantu su vizu.
 Martire distimonzu
 restat de su bisonzu,
 samben versad'invanu e martirizu.
 Chi crudeles abistos
 son profanande s'eseplare Cristos.....

"TULUI"

VITTORIO SENETTE
 DORGALI